



UNIVERSITÄTS-
BIBLIOTHEK
PADERBORN


Regale Sacerdotium Romano Pontifici Assertum

Sfondrati, Celestino

[Sankt Gallen], 1684

§. XI. Patrum aliorúmque Doctorum pro summo Pont. testimonia.

[urn:nbn:de:hbz:466:1-63125](https://nbn-resolving.org/urn:nbn:de:hbz:466:1-63125)




§. XI.

*Patrum aliorumq; Doctorum pro summo Pont.
testimonia.*

Summaria.

1. *Testimonia Patrum Concilii Rom. sub Sylvestro Pont. Patrum Concil. Nicani. Patrum Concilii Sinuessani. Patrum Concilii Rom. sub Symmacho. Patrum Concilii Lateranensis.*
2. *Testimonia S. Anacleti, S. Iulii, S. Bonifacii, S. Symmachi, S. Nicolai, S. Cyrilli, S. Cypriani, S. Damasi, S. Athanasii, Patrum totius Africa, Patrum Concilii Sardicensis, & Chalcedon. Patrum secundi Concilii Nicani, S. Isidori, B. Augustini Triumphii, B. Ioannis Capistrani, S. Bernardi, S. Antonini, S. Bonavent. S. Bernardini Senensis, & deniq; Ecclesie Gallicanae.*



I.



Evocandum in memoriam est, quod jam supra notavimus, quæstionem, de qua agimus, non reperiri quidem apud antiquos Patres in terminis formalibus definitam, sed apertissima ex illorum doctrina deduci pro S. Pontifice argumenta. Si enim Papa judicari à nullo mortalium potest: si ejus causæ divino tantum judicio reservantur: si ad illum ab omnibus, ab illo ad neminem appellari potest: si majores causæ fidei præsertim, illius tantum sententiæ finiendæ sunt: si deponi à nullo potest, exceptâ fidei causâ: si quæstiones fidei ipse solus definire potest, non potest solum Concilium, immo nihil ratum in Conciliis est, cui Pontifex non accesserit, suoque assensu confirmaverit.

Hæc inquam, si Patres scribant, perinde est, ac si scribant, Pontificem

tificem non tantum Conciliis non subesse, sed illis potius dominari;
sunt enim illæ Superioris certissimæ notæ, quas sigillatim expendemus.

Patres Concilii Romani sub Sylvestro Pontifice, & Constantino
Imperatore numero 244. *Romanam sedem, à nemine, ne quidem to-
to Clero judicari posse; ab ipsa verò judicari omnes. Tomo. 1. Concil.
post Concilium Nicanum. & ipsum Concilium Romanum can. ult.*

Patres Concilii Nicæni 1. numero 318. *Papam esse Vicarium
Christi super omnes Populos & universam Ecclesiam Christianam.
Habetur in Act. Concilii can. 39. Tom. 1. Concilior.*

Patres Concilii Sinuesani numero 180. *Non posse alterius ore,
sed suo tantum Papam judicari: illum reum, illum judicem sui esse.
Acta Concilii Sinuesani Tom. 1. Concilior. & Nicolaus. 1. in epist. ad
Michaëlem Imperatorem.*

Patres Concilii Rom. sub Symmacho Papa, & Theodorico Ita-
liæ Rege numero 115. *Papam esse summum Pastorem, nullius, extra
casum hæresis judicio subiectum. Tom. 2. Concilior. & Anastasius in
Symmacho.*

Patres Synodi Romanæ sub Leone III. & Carolo M. ex Ale-
mantia, Gallia, Italiaque quam plurimi: *Rem inauditam esse, Roma-
num Pontificem in Concilio reum sibi, qui nunquam alium,
quem se judicem habuerit. Anastas. in Leone III. Amilius de rebus
Francor. in Carolo M. Baronius ad Annum DCCC.*

Patres 8. Oecumenicæ Synodi sub Hadriano II. Pontif. nu-
mero 202. *Ne quidem à Concilio Generali posse in Romanum Epi-
scopum sententiam dici. can. 21. & habetur T. 4. Concilior.*

Patres Concilii Lateranensis sub Leone X. numero 114. *Papa au-
toritatem Concilio præcellere. Sess. 11. Et Rex Christianissimus per su-
os Oratores Lateranensi Concilio se ad hæreticæ professus est. Sess. 8.*

II. S. Anacletus Papa & Martyr: *Depositionem summi Pontificis
soli Deo reservatam esse. Epist. 1. Anaclet. quæ habetur Tom. 1. Concilior.*

S. Julius PP. *Papam à nullo posse judicari: majores causas ad eun-
dem referendas esse, & extra ejus sententiam nihil posse definiri. Epist. 1.
ad Episcop. Orientales, & habetur Tom. 1. Conciliorum.*

S. Bonifacius Mart. *Papa judicio omnes subjacere, ipsum nullius
exceptâ hæresi. c. si Papa d. 40.*

S. Gelasius Papa: *Ex præscripto Canonum ab omnibus posse Romanã
Ddd*

sedem appellare: sed ab ista nullam esse provocationem, eusque sententiam nullius examini auti iudicio submitti. *T. 1. Conc. & c. nemo cuncta 9. q. 3.*
 S. Symmachus apud Ennodium: *Successores B. Petri Cælo tantum suam debere innocentiam, & præter Deum sine iudice esse. Tom. 1. Conc. in Symmacho.*

S. Nicolaus Papa ad Michaëlem Imperat. *Papæ iudicium ultimum & peremptorium esse; nec maiorem Pontifici auctoritatem in mundo dari. Tom. 3. Conciliar. & c. patet 9. q. 3.*

Paschalis II. Romanum Pontificem nullis Conciliorum legibus adstringi posse. *In epist. ad Archiepisc. Panormit. & c. significasti 4. de elect.*

S. Cyrillus: *Sicut Christo à Patre omnis potestas & nulli alteri data est: sic Petro eiusque successoribus supremam Ecclesiæ curam, nulli alteri commissam. l. thesaurorum Tom. 2.*

S. Cyprianus: *Hereses & schismata ex eo nasci, quod non uni Sacerdoti, qui vice Christi iudicem agit, universa fraternitas obtemperet. l. 1. epist. 3. subinit.*

Stephanus Archiepiscopus omnesque Africæ Episcopi: *Ad Romanam Sedem omnia, è longinquis etiam remotisque locis negotia maioris momenti deferenda esse, eiusque arbitrio desineri oportere. In epist. ad Damasum Papam. & habetur Tom. 1. Concil.*

S. Damasus Papa: *nullo Episcoporum numero decreta firmari, quibus Romanus Pontif. assensum non præbuit, & huius ante omnia expectandam sententiam esse: nec ulla unquam ratâ Concilia legi, quæ non sunt fulta Apostolicâ auctoritate. Epist. ad Episcop. Illyria apud Theodoret. l. 2. c. 22. & epist. 2. ad Stephanum, & Concilia Af.*

S. Athanasius: *Majores suos dogmata & ordinationes à Sede Romana accepisse, ad eamque quasi ad Matrem recurrisse, eius ubersibus nutriendos, canonibus quippe sancitum esse, ut absque Romano Pontifice in majoribus causis decerni nihil debeat. Epist. ad Felicem II. Papam.*

Patres Concilii Oecumenici Sardicensis sub Julio PP. numero 300. *A Synodo condemnatos posse Romanam Sedem appellare, huiusque arbitrio sedere, velit ipsa causam cognoscere, an iudices in partibus delegare. Ex actis Concilii c. 4. & 7.*

Patres Concilii Chalcedonensis Oecumenici sub Leone PP. numero 630. *Imperari sibi à Pontifice Romano, legesque dari, & fidei formam præscribi patiuntur, & parent. Ex actis Concilii Act. 1. 3. 16.*

Anastasius Patriarcha Hierosol. *Antiquis regulis sancitum esse, ut quid-*

ut quidquid, quamvis in remotis Provinciis ageretur, non prius tractandum esse, quam ad notitiam Almae Sedis esset deductum, ut iuxta ejus auctoritatem aut firmaretur, aut infirmaretur. Epist. ad Felicem P.P.

Patres Concilii Nicæni 2. numero 350. sub Adriano I. P.P. Execrabilem, profanam & adulterinam esse septimam Synodum Constantinopolit. quia non habuit cooperarium Romanum Pontificem, neq; illius sacerdotes, neq; per Vicarium, neque per Provinciales litteras, quem admodum fieri in Synodis debet. Ex actis Concilii Abt. 6.

S. Isidorus Hispalensis: Epistolas Romanorū Pontificum, eorumq; decreta pro culmine sedis Apostolica, nec imparis esse cum Conciliis auctoritatis, nec ullam Synodum legiratam fuisse, quæ non fuerit auctoritate Apostolica sedis congregata vel fulta. Prefat. in opus Concilior.

Ivo Carnotensis: Judicia Romana Ecclesie à nemine retractari posse: & si quis aliquando hujus Ecclesie auctoritate pręgravatum sentiat, non debere in Egyptum descendere propter auxilium, sed ab ipsa ad ipsam confugere, & inde expectare levamen, unde se conqueritur acceperit gravamen. Epist. 183.

Joannes Sarisburiensis: Quis presumat summum judicare Pontificem, cujus causa Dei solius reservatur examini? utique quisquis hoc attentaverit, laborare quidem sed proficere nequaquam potest. In Polyc. l. 8. c. 23.

B. Augustinus Triumphus: Sententia Papa, & sententia Dei est una sententia; sicut una sententia est, sententia Papa, & sententia Auditoris ejus. Cum igitur appellatio semper fiat à minori ad majorem; sicut nullus est major seipso, ita nulla Appellatio tenet facta à Papa ad Deum. De potest. eod. q. 7. a. 1.

B. Johannes Capistranus: Auctoritas Papa protenditur ad omne bonum, & nullum malum, est enim quasi Deus in terra major homine, & minor Deo, plenitudinem obtinens potestatis. Lib. de auctoritate Papa & Concilior.

S. Bernardus: Quis mihi faciet justitiam de vobis? extrat quidem tribunal Christi; sed absit, ut ad illud appellem: itaq; recurro ad eum, cui datum est judicare de universis, hoc est, ad vos: vos appello ad vos, judicate inter me & vos. Epist. 113. & l. 3. de Considerat. c. 2.

S. Thomas Aquinas jam supra cit. quest. de Port. 10. a. 4. in solut. ad 13. & in 4. d. 19. & 2. 2. q. 2. a. 3. & Tr. contra impugnantes Religionem.

S. Antoninus T. 22. p. 3. c. 6 §. 19. S. Bonaventura in 4. d. 19. & expressè de Cœl. hierarch. p. 2. c. 1. Alexander Aletensis p. 3. q. 40. membro 2.

S. Bernardinus Senensis in *Mariali* p. 3. serm. 3. *Cum* Papa, inquit, sit Christi Vicarius, & gerat vicem Dei in terris, ex quo sequitur, quod habet plenitudinem potestatis, & illud quod facit, praesumitur facere auctoritate Dei: ideo ipso approbante aliquid, & nos approbare aubemus. Immo ipsius sententia est magis standum, quam sententia totius mundi.

Denique Ecclesia & natio Gallicana hanc ipsam veritatem de Pontificis auctoritate Conciliis superiore, aliquoties, totoque audiente orbe Christiano amplexa palam & professa est, ut infra dicemus in §. 16. Videatur interim Raynaldus ad *An.* 1441. n. 10. & acta Concilii Lateranensis. ult. Sess. 8.

§. XII.

Qua censurâ Patres & Doctores eos notare verint, qui à Romano Pontifice dissentiunt, & hunc Concilio submittunt

Summaria.

1. *Censura S. Hieronymi.*
2. *S. Antonini.*
3. *Cajetani, Bellarmini, Boverii.*
4. *Et Ioannis de Turrecremata.*

I.



Sanctus Hieronymus in *Epist. ad Damasum*, quae à Gratiano allegatur c. quoniam 24. q. 1. *Quoniam* vetusto oriens inter se populorum furore collisus indiscissam Domini tunicam & desuper textam per frustra discepsit; & Christi vineam vulpes exterminant, ut inter lacus contritos, qui non habent aquam, difficile, ubi fons signatus, & hortus ille conclusus sit, possit intelligi; ideo mihi cathedram Petri & fidem Apostolice ore laudatam consilendam, inde nunc mea anima postulans cibum, unde olim Christi vestimenta suscepi.

Et infra